

জেএসসিতে অসদুপায় অবলম্বন ও সহযোগিতা

শিক্ষক-পরীক্ষার্থীদের সাজা

যুগান্তর ডেস্ক

বিভিন্ন স্থানে রোববার জেএসসি-জেডিসি পরীক্ষায় অসদুপায় অবলম্বন ও সহযোগিতায় ৩৮ শিক্ষক-পরীক্ষার্থীকে জেল-জরিমানা এবং বহিষ্কার করা হয়েছে। যুগান্তর ব্যুরো ও প্রতিনিধিরা জানান—

বরিশাল ব্যুরো : জেএসসি ইংরেজি ১ম পত্র পরীক্ষায় বরিশাল বোর্ডে ১৩ পরীক্ষার্থীকে বহিষ্কার করা হয়েছে। এছাড়া ১৭২টি কেন্দ্রে ৩৪৪৮ পরীক্ষার্থী অনুপস্থিত ছিল। অপরদিকে রোববার বহিষ্কৃত পরীক্ষার মধ্যে ভোলা জেলায় ১১ জন এবং পটুয়াখালী ও বরগুনা জেলায় ১ জন করে রয়েছে। বিষয়টি নিশ্চিত করেছেন বরিশাল মাধ্যমিক ও উচ্চ মাধ্যমিক শিক্ষাবোর্ডের পরীক্ষা নিয়ন্ত্রক প্রফেসর আনোয়ারুল আজিম। অপরদিকে ঝালকাঠি জেলার নলছিটি উপজেলায় বি.জি ইউনিয়ন একাডেমি পরীক্ষা কেন্দ্র থেকে দুই শিক্ষককে বহিষ্কার করা হয়েছে।

কাঁঠালিয়া (ঝালকাঠি) : উপজেলার আমুয়া চালিতাবুনিয়া বালিকা মাধ্যমিক বিদ্যালয় পরীক্ষা হলে প্রথমপত্রের সমাধান সরবরাহ করার অপরাধে আটক পলাশ গোলদার নামের এক শিক্ষককে ২ বছরের বিনাপ্রশম কারাদণ্ড দিয়েছেন ভ্রাম্যমাণ আদালত।

মাদারগঞ্জ (জামালপুর) : মাদারগঞ্জে জেএসসি পরীক্ষায় নকলের অভিযোগে ৯ পরীক্ষার্থীর ইংরেজি পরীক্ষা বাতিলসহ নকলে সহযোগিতার অভিযোগে ৫ শিক্ষককে দায়িত্ব থেকে অব্যাহতি দেয়া হয়েছে। রোববার ইউএনও আমিনুল ইসলাম পাটাদহ উচ্চ বিদ্যালয় ও মোসলেমাবাদ উচ্চ বিদ্যালয় কেন্দ্রে গিয়ে পরীক্ষার্থী ও শিক্ষকদের বিরুদ্ধে এ ব্যবস্থা নেন।

গফরগাঁও : গফরগাঁওয়ে জেএসসি পরীক্ষায় নকলের দায়ে জাকিরুল ইসলাম নামে এক পরীক্ষার্থীকে বহিষ্কার করা হয়েছে। বহিষ্কৃত পরীক্ষার্থী জাকিরুল ইসলাম চর মছলন্দ

মুসলিম উচ্চ বিদ্যালয়ের ছাত্র। একই দিনে কান্দিপাড়া আন্ধর আলী উচ্চ বিদ্যালয় জেএসসি পরীক্ষা কেন্দ্রে অনুপ্রবেশ ও নকলে সহযোগিতার দায়ে তিন জনকে আর্থিক জরিমানা প্রদান করেছেন ভ্রাম্যমাণ আদালত। তারা হল তামিল, রিয়াদ ও আরমান।

টেকেরহাট : জেএসসি ইংরেজি প্রথমপত্র পরীক্ষার সময় রাজের নকল ফটোকপি করার দায়ে দুই যুবকের জেল ও মুকসুদপুরে নকল সরবরাহের অভিযোগে ৪ যুবকের ১০ হাজার টাকা জরিমানা করেছেন ভ্রাম্যমাণ আদালত। অটকরা হল সুমন, বিয়াদুল, আবু সাইদ, সুজন শেখ, রফিকসহ আরও একজন।

মোরেলগঞ্জ : বাগেরহাটের মোরেলগঞ্জ জেডিসি পরীক্ষা কেন্দ্রে দায়িত্বরত ৩ শিক্ষককে বহিষ্কার ও ১৬ হাজার টাকা জরিমানা আদায় করেছেন ভ্রাম্যমাণ আদালত। রোববার মোরেলগঞ্জ রওশন-আরা স্মৃতি ডিগ্রি মহিলা কলেজ কেন্দ্রে জেডিসি আরবি ২য় পত্র পরীক্ষা চলাকালীন ওই ৩ কক্ষ পরিদর্শক নিজ নিজ কক্ষ থেকে অন্য কক্ষে গিয়ে পরীক্ষার্থীদের প্রশ্নের উত্তর বলে দেয়ায় তাদের বহিষ্কার এবং জরিমানা আদায় করা হয়। শিক্ষকরা হলেন বারইখালী মানিক মিয়া দাখিল মাদ্রাসার শিক্ষক খয়রুল বাশার, কাঁঠালতলা গিয়াসিয়া দাখিল মাদ্রাসার সহ-সুপার মোশাররফ হোসেন ও হোগলাবুনিয়া দারুল কোরান সিনিয়র মাদ্রাসার শিক্ষক আবুল কালাম আজাদ।

কালকিনি (মাদারীপুর) : নকল করার দায়ে মাদারীপুরের কালকিনিতে লিমন নামের এক জেএসসি পরীক্ষার্থীকে বহিষ্কার করা হয়েছে। সে উপজেলার কালকিনি মডেল পাইলট উচ্চ বিদ্যালয়ের ছাত্র। রোববার দুপুরে তাকে সৈয়দ আবুল হোসেন কলেজের ১০৬নং হল থেকে বহিষ্কার করা হয়।

কালকিনি	১০/১১/১৭
পরীক্ষার্থীর নাম	
কক্ষ নং	
বিভাগ	
স্বাক্ষর	
তারিখ	
স্থান	
স্বাক্ষর	
তারিখ	
স্থান	
স্বাক্ষর	
তারিখ	
স্থান	